



**МОНГОЛ УЛС  
ГОВЬ-АЛТАЙ АЙМГИЙН  
ЗАСАГ ДАРГЫН  
ЗАХИРАМЖ**

20~~20~~ оны 09 сарын 03 өдөр

Дугаар 1/496

Алтай хот

**Г Цэцэрлэг байгуулах тухай**

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, 32 дугаар зүйлийн 32.7 дахь хэсэг, Боловсролын тухай хуулийн 30 дугаар зүйлийн 30.1.3 дахь хэсэг, Төсвийн тухай хуулийн 16 дугаар зүйлийн 16.5.3 дахь заалт, Хөдөлмөрийн тухай хуулийн 26 дугаар зүйлийн 26.1 дэх хэсэг, Төрийн албаны зөвлөлийн 2019 оны 25 дугаар тогтоол, аймгийн Засаг даргын зөвлөлийн 2020 оны 21 дүгээр хуралдааны шийдвэрийг тус тус үндэслэн ЗАХИРАМЖЛАХ нь:

1. Есөнбулаг сумын Баянхайрхан багт 11 дүгээр цэцэрлэгийг шинээр үүсгэн байгуулсугай.
2. Цэцэрлэгийн ашиглалтын өмнөх захиргааг 2020 оны 09 дүгээр сарын 02-ны өдрөөс эхлэн 2020 оны 10 дугаар сарын 01-ний өдрийг хүртэл хугацаагаар ажиллуулж, захиргааны даргаар Боловсрол, соёл урлагийн газрын сургуулийн өмнөх боловсролын хариуцсан мэргэжилтэн П.Санждоржийг томилсугай.
3. Цэцэрлэгийн ашиглалтын өмнөх захиргааны даргын ажил хавсран гүйцэтгэсэн хугацааны нэмэгдэл цалинг хууль, журамд нийцүүлэн олгож, байгууллагын батлагдсан төсвийг 2020 оны 10 дугаар сарын 01-ний өдрөөс эхлэн санхүүжүүлэхийг Боловсрол, соёл урлагийн газар (Р.Батмөнх)-т даалгасугай.
4. Цэцэрлэгийн сургалтын хэвийн үйл ажиллагааг хангахад шаардагдах тоог төхөөрөмжийг бэлэн болгож, тойргийн хүүхдийн хамран сургалтын бүртгэл судалгааг гарган, 11 дүгээр цэцэрлэгийн үйл ажиллагааг 10 дугаар сарын 01-ний өдөр эхлүүлэх арга хэмжээ авч ажиллахыг ашиглалтын өмнөх захиргаа (П.Санждорж)-нд үүрэг болгосугай.
5. Байгууллагын нэгжийн менежер, багшах боловсон хүчин, бусад орон тоог зохих журмын дагуу сонгон шалгаруулахыг аймгийн Төрийн албаны салбар зөвлөл (Ч.Бат-Эрдэнэ), Боловсрол, соёл урлагийн газар (Р.Батмөнх)-т, сонгон шалгаруулалтын дүнг үндэслэн цэцэрлэгийн эрхлэгчийг томилж ажиллахыг Есөнбулаг сумын Засаг дарга (Ш.Дагва)-д тус тус үүрэг болгосугай.

ЗАСАГ ДАРГЫН ҮҮРЭГ  
ГҮЙЦЭТГЭГЧ

Ж.ГАНБАТ